

BOSNA I HERCEGOVINA
Ministarstvo vanjskih poslova



БОСНА И ХЕРЦЕГОВИНА
Министарство иностраних послова

MFA-BIL-ED
Broj: 06/6-22-50-2-36228/16
Sarajevo, 28.10.2016. godine

U-332118
31.10. 2016

MINISTARSTVO VANJSKE TRGOVINE I EKONOMSKIH ODNOSA BIH
Fax: 220 091

AGENCIJA ZA UNAPRJEĐENJE STRANIH INVESTICIJA U BIH (FIPA)
Fax: 278 081

VANJSKOTRGOVINSKA KOMORA BIH
Fax: 214 292

VLADA BRČKO DISTRIKTA BIH
Fax: 049 240 600

MINISTARSTVO INDUSTRIJE, ENERGETIKE I RUDARSTVA REPUBLIKE SRPSKE, Fax:
051 339 651

MINISTARSTVO ENERGIJE, RUDARSTVA I INDUSTRIJE FEDERACIJE BOSNE I HERCEGOVINE, Fax: 033 220 619 i 036 580 015

PRIVREDNA/GOSPODARSKA KOMORA BRČKO DISTRIKTA BIH
Fax: 049 216 116

PRIVREDNA/GOSPODARSKA KOMORA FEDERACIJE BOSNE I HERCEGOVINE, Fax:
217 783

PRIVREDNA KOMORA REPUBLIKE SRPSKE, Fax: 051 215 565

Unija udruženja poslodavaca RS (UUPRS), Fax: 051 226 160

Udruženje poslodavaca u FBiH (UPFBiH), Fax: 552 461

Udruženje/Udruga poslodavaca Brčko Distrikta, Fax: 049 217 665

Predmet: Nova inicijativa njemačkog Ministarstva za privredu i energiju prema Bosni i Hercegovini - organizacija radionice ("Workshop") i uspostava operativne grupe ("Task Force")

U prostorijama Ministarstva vanjskih poslova BiH, dana 25.10.2016. godine, je održan sastanak sa predstavnicima Ministarstva privrede i energetike Savezne Republike Njemačke. Glavna tema razgovora je bila unaprijeđenje bilateralnog privrednog razvoja Bosne i Hercegovine i SR Njemačke.

Tokom razgovora, predstavnik njemačkog Ministarstva je najprije pomenuo postojeću saradnju u okviru tzv. "Purchasing Initiative Western Balkans" (Njemačka inicijativa za pronalazak dobavljača u zemljama zapadnog Balkana), koja je s uspjehom startala i sprovodi se od 2015. godine, a u kojoj bh. firme aktivno učestvuju.

Za vrijeme sastanka, njemačka strana je saopštila da u budućem periodu želi usmjeriti posebnu pažnju prema regionu i Bosni i Hercegovini. Nova inicijativa njemačkog Ministarstva za privredu i energiju prema Bosni i Hercegovini tiče se osnivanja zajedničke operativne grupe ("Task Force"), koja bi imala zadatak sakupiti djelatnike iz bh. institucija, koji se bave ekonomskim poslovima, u cilju poticanja na rješavanje problema u ostvarenju međusobne privredne saradnje. Ono što nedostaje u obostranim odnosima je jedno zajedničko tijelo, koje bi pomoglo u prevazilaženju komplikovane administrativne strukture i lakšoj uspostavi kontakta i saradnje među privrednicima.

U cilju realizacije ove ideje, njemačka strana planira da se u prvom kvartalu 2017. godine najprije organizuje jedna radionica ("Workshop"), na kojoj bi učestvovali predstavnici poslovne zajednice, nadležnih institucija, ministarstava, privrednih komora i drugih organizacija na državnom, entitetskom i kantonalnom nivou. Na radionici bi se razgovaralo o uspostavi buduće zajedničke Operativne grupe ("Task Force"), odnosno o organizaciji efikasnije saradnje i prevazilaženju birokratskih procedura, a u cilju privlačenja investitora iz SR Njemačke u Bosnu i Hercegovinu i ostvarivanja bolje privredne saradnje dvije zemlje. Tokom sastanaka u okviru rada ovih tijela, od bh. institucija se očekuje da pomognu u otklanjanju barijera za odvijanje poslovanja između dvije zemlje, a moguće je njemačkoj strani ponuditi i konkretne projekte za investiranje. Cilj ove njemačke inicijative je spojiti predstavnike nadležnih institucija, poslovne ljude, predstavnike biznisa, ponuđače projekata i potencijalne investitore obe zemlje kako bi se pokrenula međusobna poslovna aktivnost i saradnja, te otvorilo, planira se, 3000 novih radnih mjesta.

Informaciju o navedenoj inicijativi dostavljamo za Vaše znanje i molimo da u ime Vaše institucije imenujete predstavnika i kontakt osobu, koja će sudjelovati u radu radionice ("Workshop") i u kasnijem periodu, Operativne grupe ("Task Force"), te o imenu ove osobe obavjestite Ministarstvo vanjskih poslova BiH, s pozivom na broj ovog dopisa. Ministarstvo vanjskih poslova će obavjestiti sve institucije, koje žele saradivati u radu ovog tijela, o prijedlogu njemačke strane za datum održavanja prve radionice.

